

Protocol no. 64
Sezzüda da marcurdi, als 08 mai 2013 **09.30 – 12.15**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Pro las fatschendas nr. 563 - 572 il manader tecnic, Christian Poo.

Protocol

Il protocol no. 63 da la sezzüda da mardi, als 30 avrigl 2013 vain approvà.

563 021 FABRICA
Curdin e Margaritta Horber-Pua, Plazetta, parcella nr. 525

La documainta a regard la dumonda per müdamaints dal proget, gnü permiss in december dal 2012, ais avantman in möd cumplet. La cumischiun da fabrica ha chattà la fatschenda in uorden. Il Cussagl conced'ìl permiss cun vusch unanima.

564 021 FABRICA
Fadri Stricker, Spinatscha, parcella nr. 1064

L'acconsentimaint davart l'uffizi per il svilup dal territori dal Grischun (BAB) ais avantman. I's tratta da seguaintas lavuors:

- silo charrabel
- suottet pel tanc dal lat
- access adattà per sopchas cun roudas fin pro la chasa d'abitar

In basa da quai e da la proposta da la cumischiun conced'ìl Cussagl il permiss da fabrica cun vusch unanima.

566 021 FABRICA
Domenic Augustin, Plaz, portas da garascha cullas chaistas

La cumischiun da fabrica vaiva salvà ün'aboccamaint cul patrun da fabrica e l'architecta per trattar la fatschenda a regard las portas da garascha, montadas nouv extern cun chaistas da schalusia, davo la collaudaziun dal fabricat.

Il Cussagl decida da pretender üna posiziun in scrit.

567 790.501 Proget planisaziun cumünala
Revisiun da la lescha da fabrica; materialisaziun / culur

La cumischiun da planisaziun ha elavurà, cun sustegn dal planisader, Orlando Menghini, e dal perit, Renato Maurizio, ün sböz a regard l'integrasiun illa ledscha da las pretaisas chi pertoccan la materialisaziun e la culur dals objects. Il Cussagl tilla repassa e tilla fa bun. La versiun vain amo suottamissa a l'examinaziun giuridica.

568 790.501 Proget planisaziun cumünala
Revisiun da la lescha da fabrica; lobgias

La cumischiun da planisaziun ha elavurà, cun sustegn dal planisader, Orlando Menghini, ün sböz a regard l'integraziun illa ledscha da las prescripziuns chi pertoccan la construcziun da lobgias. Il Cussagl tilla repassa e tilla fa bun. La versiun vain amo suottamissa a l'examinaziun giuridica.

569 790.501 Proget planisaziun cumünala
Revisiun da la ledscha da fabrica; implants solars e fotovoltaics

La cumischiun da planisaziun ha elavurà, cun sustegn dal planisader, Orlando Menghini, ün sböz a regard l'integraziun illa ledscha da las prescripziuns chi pertoccan la realisaziun d'implants solars e fotovoltaics. Il Cussagl tilla repassa e tilla fa bun. La versiun vain amo suottamissa a l'examinaziun giuridica.

570 790.501 Proget planisaziun cumünala
Finischiun pista dal Sömmi; posiziun davart las pendicularas
Motta Naluns

Davo cha las pendicularas Motta Naluns vaivan tut posiziun in sen positiv supra la soluziun previssa as po inchaminar inavant culla fatschenda. Il Cussagl tilla repassa e decida da salvar üna sezzüda culs respunsabels da las pendicularas per chi's po concretisar la varianta previssa.

571 790.501 Proget planisaziun cumünala
Zona da mansteranza regionala

Il schef da planisaziun, Dumeng Jann ed il cusglier dal dicasteri, Men Caviezel han fat part ad ün aboccamaint da lavur culs respunsabels da la PEB per trattar sur da fatschenda manzunada survart. Tema da la discussiun d'eiran las variantas per zonas da mansteranza regionalas dal cumün da Sent. D. Jann e M. Caviezel orienteschan in fatschenda. La PEB ha evaluà plüssas variantas, eir quellas dal cumün da Sent. Quai chi pertocca zonas da deponia ais da manzunar, cha seguond la PEB nun ais quai pussibel da realisar plü ingünas zonas sül territori regional.

573 830 TURISSEM
Restorant Chasa Veglia / manar ustaria our il liber / dumonda da reponderaziun

A chaschun da sia sezzüda dals 3 avrigl 2013 vaiv'il Cussagl cumünal concess quel permiss e miss tanter oter la cundiziun cha l'entrad'in vigur s'inclegia pels 1. gүн 2013. Uossa inoltreschan ils respunsabels la dumonda da reponderaziun per quai cul argumaint, ch'els hajan da renovar il fuond da la terrassa e per l'Ascensiun e Tschinquaisma nu pon els uschè spordscher ingünas plazzas our il liber. Il Cussagl ha incletta per quella situaziun e decida d'entrar sülla dumonda da reponderaziun. Uschè s'incleg'il permiss a partir dals 1. mai 2013.

574 020 PERSUNAL CUMÜNAL
Chascha da pensiun

A chaschun d'üna revisiun d'eira gnü constatà, cha dүrant bliers ons nu d'eira la situaziun da la chascha da pensiun dal persunal plü gnүd'actualisada. Davart da la chascha ais gnü muossà via sүн duos aspets chi sun bsögnavels, dimena per l'üna d'integrar üna somma da mortori e per l'otra d'augmantar per pitschna part la bunificaziun da vegldüm. Il Cussagl conceda cun vusch unanima quists adattamaints ed il credit bsögnavel da fr. 8'500.00 concernent la part cumünala.

Via da Vastur

Il cusglier dal dicasteri, Men Caviezel orientescha, chi'd ha stuvü gnir fat sur il restorant Vastur illa via üna drenascha, causa cha tuot l'aua culaiva giò da la prada. La lavur ais gnüd'effetuada da la gruppa da cumün ed ils cuosts pel material s'amuntan a ca. fr. 6'000.00. Cun quist va il Cussagl d'accord.

Proget sanaziun via da god Muschna / Val Gronda

Il cusglier dal dicasteri, Men Caviezel, orientescha, cha causa las lavuors dal proget da sanaziun vi dal traget Surains – Posa da las chavras vain serrada la via dals 13 gün fin als 30 gün 2013.

Posta Scuol / lavuors da construcziun pro la via Crusch – Sent

Causa lavuors da construcziun pro la via Crusch – Sent chi varan lö probabelmaing a partir dals 14 mai 2013 pella dürada d'ün'eivna sto la Posta transir sülla via "Feldweg", quai per accumplir il cuors Sent – Sur En. Cun quist va il Cussagl d'accord e quai sainza pretaisa da qualunque permiss o.o.p.

Società da chavras Sent / dumonda pell'allpagiada da chavras estras

Il president da la società, Anton Pinösch, ha inoltrà la dumonda per alpagnar sül Alp Lavèr 10 – 15 chavras estras cun usöls. Il Cussagl aderisch'a quella dumonda.

Forum d'economia da la regiun Parc Naziunal / Andrea Gilli / proget Uina

A. Gilli ha orientà, chi saja previssa üna sezzüda per trattar supr'il proget Sesvenna – Uina – Sent. Il termin vain amo dat cuntschaint.

Nadia Demonti – Ritz / dumonda pella realisaziun dal marchà d'utuon 2013

Quel ais previs quist on sün sonda, als 5 october 2013. Il Cussagl conced'ìl permiss cullas üsitadas cundiziuns.

Bieraria Tschlin / invid a la radunanza generala

Quella ha lö als 25 mai 2013. I fa part la cusgliera, Marianne Werro, chi rimplazz'al Capo, Albert Mayer, il qual as sto s-chüsar caus'absenza.

PEB invid ad ün workshop / gövgia, als 6 gün 2013, 09.00h - 17.00h

Sur dal tema „Schutz & Nutzung im Lebensraum Engiadina Bassa“ vain organisà quel workshop e quai a Tschlin illa sala polivalenta.

Annunzchas sun d'inoltrar fin als 20 mai 2013. Davart dal Cussagl fan part Marianne Werro e ed il vicecapo, Andri Poo.

Padrinadi Svizzer per cumüns da muntogna / radunanz'annuala 2013

Il Capo, Albert Mayer, ha fat part a quella chi ha lö in möd üsità a Turich. El ha pudü salvar divers buns discuors.

Zona da planisaziun / decret dal departamaint DVS

Cun decret dals 3 mai 2013 ha il departamaint acconsenti la dumonda da prolungaziun da la zona da planiazion e quai fin als 10 mai 2015. Da quist vain tut cugnuschentscha cun satisfacziun.

La decisiun sto uossa gnir publichada i'l fögl uffizial dal chantun Grischun ed in cumün.

577

VARIA

Da la tractanda Varia nu vain fat adöver.

L'actuar:
Marco Fallet

Il Capo:
Albert Mayer:

Las trattativas nr. 565 e 572 nu vegnan publichadas, causa cha quellas nu sun amo madüras pella publicaziun (cas da fabrica e planisaziun).